

Dadus relata 20 Janeiru 2021

SUMÁRIU

- Ministeriu Saúde relata tan kazu foun hamutuk 2 – no totál kazu COVID-19 relata iha Timor-Leste hamutuk **53**. Pasiente nain rua kumpri hela kuarentena no agora muda ona ba baixa iha fatin izolamentu no simu tratamentu iha facilidade saúde Vera-Cruz. Ekipa vijilánsia sira, tuir matadalan Nasionál nian halo ona investigasaun klean no rastreamentu kontaktu. Ba informasaun kompletu liután kona-ba kazu foun bele hare iha pájina Facebook Ministériu Saúde, [Palacio Das Cinzas](#).
- S.E Ministra Saúde, dr Odete Maria Freitas Belo, hamutuk ho Embaixadór Uniaun Europeia no OMS, ofisialmente lansa parseria MS-UE-OMS hodi hadi'ak liután responde ba COVID-19 no atu haforsa sistema saúde en jerál iha Timor-Leste. Tuir parseria ida ne'e, Uniaun Europeia no OMS, kompromete ona fundu ho montante milliaun USD 2.4 durante periodu fulan 20.
- Atu garante katak laiha propagasaun iha comunidade nia leet iha rai laran, MS ho apoiu finanseiru hosi OMS sei hala'o vijilánsia sentinela iha comunidade (*mass swab test*) iha Dili no munisípiu fronteira tolu hahú semana ikus fulan Janeiru nian.
- Konsidera númeru kazu COVID-19 ativu menus no evidénsia epidemiolójiku seluk hosi pandemia COVID-19, Governu, liuhosi Konsellu Ministru halo ona mudansa ba provizaun iha Estadu Emerjénsia atuál. Mudansa foun inklui hamenus restrisaun balun. Tuir Dekretu governu foun apela ba comunidade sira hotu atu kontinua halo tuir no promove medida preventiva sira hotu, selebrasaun misa (ba misa loron Domingu de'it) bele re-ativa fila fali maibé bazeia ba medida preventiva hatuur hosi Ministériu Saúde no OMS.
- Alende mantein foku ba prevensaun COVID-19, Ministériu Saúde mós kompromete hodi mantein servisu saúde esensiál ba imunizasaun rutina, moras la hada'et, atendimentu moras TB, no servisu saúde esensiál sira seluk.
- Ministériu Saúde no OMS agora iha hela diskusaun hodi buka meius atu haforsa liután kapasidade laboratóriu ba halo teste, no mós haforsa kapasidade ba kuidadu kritíku sira, liuliu iha nivel rejionál no iha munisípiu fronteira.

SITUASAUN IHA NÚMERU

Totál no kazu (foun) iha Timor-Leste

53 konfirmadu (foun **2**)

47 recupera (foun **2**)

6 izolamentu

0 mate

(Bazeia ba dadus ne'ebé públika iha [Ministerio da Saúde](#))

Tuir pájina WHO Timor-Leste [Facebook](#) no [Twitter](#) no [MS](#)

Ba informasaun klean liután no guia husi OMS kona-ba surtu atuál Moras Coronavirus – 2019 (COVID-19) bele asesu iha [ne'e](#).

SITUASAUN GLOBÁL

Totál kazu (foun) iha loron hitu nia laran

Globalmente


93 217 287 Konfirmadu (**4 752 029**)

2 014 957 Mate (**93 882**)



Data notifikasaun kazu foun no kumulativu COVID-19 iha Timor-Leste

(20-Jan-2021 : kazu foun-1 kumulativu-53)



Source : Direcção Nacional Controlo de Doenças - Departamento Vigilância Epidemiológica


Timor-Leste

Situasaun Nasional Kazu : COVID-19 Timor-Leste

(20-Jan-2021 : Kumulative figures)




Source : Direcção Nacional Controlo de Doenças - Departamento Vigilância Epidemiológica



Teste Laboratoriu : COVID-19 Timor-Leste

(20-Jan-2021 : Kumulative figures)



Source : Direcção Nacional Controlo de Doenças - Departamento Vigiância Epidemiológica

OMS TIMOR-LESTE NIA OBJETIVU ESTRATÉJIU

- Hapara moras da'et hosi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun transmisaun kazu;
- Haforsa Sistema vijilánsia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba Prevensaun no Kontrole Infesaun (PKI) ne'ebé rigorozu tebes no hasa'e kapasidade ba PKI nian;
- Identifika, izola no kuidadu ba pasiente; inklui fornese mós kuidadu óptimu ba pasiente ne'ebé infetadu;
- Halo socializasaun ba informasaun risku no eventu ba comunidade hotu-hotu no hakotu informasaun la loos liuhosi servisu hamutuk ho parseiru sira.

- Hamenus impaktu sosiál no ekonómiku liuhosi parseria multisetorál.

REKOMENDASAUN NO KONSELLU BA PÚBLIKU

Fase ita-nia liman beibeik

Fase ita-nia liman ho dezinfetante ka fase ho sabaun no bee

Tanbasá? Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

Mantein distánsia fíziku

Mantein distánsia fíziku pelumenu metru 1 (pasu 3) distánsia hosi ita nian a'an no ema seluk.

Tanbasá? Bainhira ema me'ar ka fani sira bele hada'et mós ho turuk-oan sai hosi sira-nia inus ka ibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk-oan ne'e, inklui ho virus COVID-19 karik ema ne'ebé me'ar infetadu hela.

Uza maskára bainhira distánsia fíziku la posível

Tanbasá? Bainhira ita iha fatin ne'ebé susar atu mantein distánsia fíziku metru ida ka liu tanba fatin kloot, importante tebes atu uza maskára atu hapara transmisaun COVID-19 nian.

Evita ka'er ita nia matan, inus no ibun

Tanbasá? Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita moras.

Prátika Ijiene Respiratóriu

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

Tanbasá? Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita hosi virus hanesan inus metin, flu no COVID-19.

Se ita-boot isin-manas, me'ar no dada iis araska, buka lalais tratamentu

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

Tanbasá? Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

Buka hatene informasaun no halo tuir konsellu ne'ebé pesoál saúde sira hatoo

Buka hatene nafatin informasaun ba dezvoltamentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasionál no lokál, ka empregadór kona-ba oinsá atu proteje ita-nia an no ho ema seluk husi COVID-19.

Tanbasá? Autoridade nasionál no lokál sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje an.

Proteje ita nia an no sira ne'ebé ita hadomi hosi #COVID19:

- Taka ibun no inus bainhira me'ar

- Labele ka'er matan, inus no ibun
- Evita ba fatin públiku no limita tempu iha espasu ne'ebé taka metin
- Bainhira distansia fiziku la posivel, obrigatóriu ba ita atu uza maskára
- Mantein distánsia metru ida ka liu hosi ema seluk
- Hamoos beibeik objetu no fatin sira ne'ebé ita kaer beibeik
- Izola an hosi ema bainhira sente moras no buka tratamentu, bainhira presiza

Ba matadalan kona-ba medida preventiva seluk disponivel iha [ne'e](#).

Informasaun COVID-19 Information no kontaktu média:

- Ministériu Saúde estabelese ona número *hotline* – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
 - Alende ne'e, [Pájina Facebook MS](#) nian fornese atualizasaun loloos kona-ba desenvolvimentu COVID-19 iha rai laran
 - OMS Timor-Leste liuhosi nia [Pájina Facebook](#) no [Twitter](#) mós disemina informasaun kona-ba medida preventive, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba singhsho@who.int no hasane@who.int
-